

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 66 (2004-2005)
Heft: 1: Gute Schule

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

La scola da Trun introducescha «standards da qualitat»

(mama) Il vendergis avon che la scola entscheivi haveva il niev menader da scola da Trun envidau tuttas collegas e tuts collegas ad ina sesida d'informaziun, discussiun e planisaziun digl onn proxim da scola. La gliesta da tractandas era pulpida sco ei s'auda ed ins ha saviu quintar ch'ei detti buca gentar ad uras usitadas. Tuttina ein praticamein tuts scolasts e tuttas scolastas stai presents ed han planisau cun bunas discussiuns e decisiuns concretas igl onn.

L'emprema sorpresa ei bein stada quella ch'il menader da scola haveva preparau ina gliesta culs nums da tuts collegas. En roda dueigi mintg'in surpender il mandat da francar las decisiuns en in protocol. Suententer haver fatg las davosas correcturas vid las gliestas da scolarAs e vid ils uraris ei vegniu reglamentau il di da joker. Gl'orden da menaschi cun la gliesta da schubergiar pil pedel, cun fixar la classa ch'ei mintg'jamna responsabla per in plaz da pausa schuber, gl'urari dil bus da scola, decider cu il scalin duei scalinar, plan da survigilanza da pausa, reparter scharshas als collegas, fixar termins per las sesidas da team ha dau ina piazza da contrahar, discussiunar e decider. Secapescha ei era vegniu sclariu co e da tgi gl'empren di da scola duei vegnir organisaus. Il scalem ault ha informau ch'ei seigi planisau gia il secund di da scola ina sera da geniturs per gl'entir scalem. Cun quella informaziun vegli ins prevegnir a discussiuns e problems sco gl'onn vargau. Il manual da scola ha saviu vegnir actualisau cun las novas midadas. Il team da scolastAs ha la finala instradau differentas gruppas che preparan divers projects communabels durant gl'onn ora. Aschia ei planisau in viadi da dus gis dils scolastAs, ina presentaziun dalla scola sin la pagina d'internet dalla vischnaunca, sera da sport pils scolasts, ina tscheina da catscha, cuors da perfecziunament intern, etc. Las uras da gentar eran vargadas d'uriala cu il meinascola ha serrau la sesida. Tuttina han ins giu l'impressiun ch'ils scolasts e las magistras hagian schazegiau quell'occurrenza.

Cun in manual da scola ed ina sesida comunabla d'organisaziun e da planisaziun digl onn da scola avon l'entschatta dalla scola han ils collegas da Trun introduciu 2 standards da qualitat en lur scola! Bravo! Egl avegnir vegn ei buca a dar auter che da baghegiar si pass per pass in profil per mintga scola!



Agenda

unviern 04_05

project «TTS» (transfer tecnologic surselva) mira www.tt-surselva.ch informaziuns m.mathiuet@kns.ch

18_10_2004

Informaziun e discussiun sur dalla situaziun actuala fetg precara cun ils plaz libers d'empredissadi en Surselva. La «formaziun-bildung-regiun-surselva» envida tuts intressai a quell'occurrenza.

22 - 24_10_2004

Dis da litteratura a Domat

30_10_2004

Radunonza da delegai dalla LR a Trun

Infos

Il CCM empresta ina **valischa** cun tuttas ediziuns novas en sursilvan e rg. Tgi che ha interess da prender investa ca 10 gis s'annunzia tier CCM, 7031 Laax, 081 921 25 60 ccm.secretariat@rumantsch.ch

Intervista cun Zita Maissen-Tuor, ina scolasta pertuccada

Suententer la sesida ha il redactor dalla pagina romantscha vuliu saver d'ina scolasta pertuccada co ella valetescha quella sesida d'organisaziun digl onn da scola.

M.M.: Il team da scolastas e scolasts dalla scola da Trun ha giu ina sesida d'organisaziun digl onn da scola ualti liunga. Ei quei sepagau da vegnir cheu avon che la scola entscheivi e discutir e planisar gl'onn?

Zita M.: Jeu sundel fetg satisfatga da quei avonmiezdi. Jeu hai il sentiment che gl'entir team ei fetg bein informaus e preparaus per igl onn da scola. Jeu creiel che nus saveien aschia prevegnir ad enqual problem che ha fatschentau nus ils onns vargai.

M.M.: La scola da Trun ha era introduciu in manual da scola?

Zita M.: Quei ei ina rimnada dallas informaziuns las pli impurtantas ed jeu sundel fetg leda che tut las leschas, reglaments, ordinaziuns e formulars ein rimnai e sorti surveseivlamein. Quei manual levgescha da tscherchar informaziuns ligiontas e discarga cheutras la lavur dil mintgadi dil scolast ni dalla scolasta. A mi plai quella trasparenza fetg ed jeu sun engrazievla a quels che han mess ensemmen quel!

Plema d'aur -

varga 200 texts per scola e privat.

Gl'onn proxim festivescha la concorrenza da scriver «Plema d'aur» il 10avel giubileum. En quei connex ha il CCM preparau ina CD cun tut ils 200 texts da tuttas categories rangai e proponi per publicar. Ei se tracta da texts d'affons e carschi. L'ovra ei vegnida currigida e lectorada e survescha fetg bein al basegn dalla scola. Per part ein ils texts amplificai cun dessegns. Il lungatg ei sempels ed il messadi magari profonds. Tgi che vul far diever dil prezi da subscripsiun tochen la fin da quest onn (25%) da quella CD duei s'annunziar tier il CCM (adressa sura). La CD vegn presentada a caschun dalla rangaziun dalla Plema d'aur ils 29 da matg 2005. Prezi da vendita frs 25.00.